



Broj: 14-14-21340-5/16
Datum: 08.02.2017. godine

Na osnovu člana 70. i člana 32. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-14-21340-4/16 od 07.02.2017. godine, u postupku javne nabavke za „Pružanje usluga osiguranja i registracije vozila ZDK” za potrebe Zeničko-dobojskog kantona, direktor Službe za zajedničke poslove Zeničko-dobojskog kantona, donosi:

ODLUKU **o izboru najpovoljnijeg ponuđača**

1. Ponuđaču „Euroherc osiguranje” d.d. Sarajevo, dodjeljuje se okvirni sporazum za „Pružanje usluga osiguranja i registracije vozila ZDK” za potrebe Zeničko-dobojskog kantona, kao najbolje ocijenjenom ponuđaču.
2. Ponuđač kojem se dodjeljuje okvirni sporazum dužan je dostaviti dokumente iz člana 45. i 46. navedene u tački 3.1 i 3.2. tenderske dokumentacije u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog okvirnog sporazuma.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
6. Za realizaciju ove Odluke zadužuje se Služba za zajedničke poslove.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj: 14-14-21340/16 od 29.12.2016. godine, pokrenula postupak javne nabavke.

Javna nabavka je provedena po otvorenom postupku u skladu sa članom 25. Zakona o javnim nabavkama.

Ugovorni organ je objavio obavještenje na portalu javnih nabavki, broj: 771-1-2-28-3-24/16 od 30.12.2016. godine i u „Službenom glasniku BiH” br. 3 od 13.01.2017. godine.

Komisija za provođenje postupka javne nabavke, koja je imenovana Rješenjem broj: 14-14-21340/16 od 13.01.2017. godine, blagovremeno je izvršila javno otvaranje ponuda, te pregled i ocjenu ponuda i zapisnikom od 27.01.2017. godine, konstatovala da je u predviđenom roku dostavljeno šest ponuda ponuđača: Euroherc osiguranje dd Sarajevo, Sarajevo osiguranje dd Sarajevo Podružnica Zenica, Zovko osiguranje dd Žepče, BSO dd Podružnica Zenica, Camelija osiguranje dd Bihać i Wiener osiguranje VID AD Zenica. Ponuda VGT osiguranje dd Visoko, je dostavljena nakon isteka roka i ista je vraćena ponuđaču.

Nakon pregleda i ocjene ponuda navedenih ponuđača, Komisija je u zapisniku od 07.02.2017. godine konstatovala sljedeće:

-Ponuda ponuđača „Wiener osiguranje VID AD Zenica, se odbacuje iz sljedećih razloga: Zahtjevom broj: 14-14-21340-4-1/16 od 03.02.2017. godine, zatražene su ispravke u ponudi, od ponuđača „Wiener osiguranje VID AD Zenica, u skladu sa tačkom 7.5. Tenderske dokumentacije, o čemu je uredno obaviješten putem faksa 03.02.2017. godine i pošte. Ponuđač Wiener osiguranje VID AD Zenica propustio je da u ostavljenom roku od 3(tri) dana izvrši ispravku greške. Akt saglasnosti za ispravku računске greške nije dostavljen, te se na osnovu člana 68. stav (4) tačka g) Zakona o javnim nabavkama. („Sl. Glasnik BiH broj: 39/14), ponuda ponuđača Wiener osiguranje VID AD Zenica odbacuje.

Komisija je u zapisniku broj: 14-14-21340-4/16 od 07.02.2017. godine konstatovala da su ponude ponuđača Euroherc osiguranje dd Sarajevo, Sarajevo osiguranje dd Sarajevo Podružnica Zenica, Zovko osiguranje dd Žepče, BSO dd Podružnica Zenica i Camelija osiguranje dd Bihać, privatljive jer su dostavljeni svi traženi dokazi propisani tenderskom dokumentacijom, na propisan način.

Analizom ponuda i primjenom kriterija „najniža cijena tehnički zadovoljavajuće ponude“ Komisija je Zapisnikom utvrdila rang listu ponuda, shodno kojoj je prvoplasirana ponuda ponuđača „Euroherc osiguranje” d.d. Sarajevo za „Pružanje usluga osiguranja i registracije vozila ZDK” sa cijenom 41.682,62 KM.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda i da su sredstva za predmetnu nabavku planirana u Budžetu Zeničko-dobojskog kantona.


Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, donesena je odluka kao u dispozitivu.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno: 1x Ponuđači
1x tenderska dokumentacija



DIREKTOR
[Signature]
Čazim Karalić